

BASES DO CONCURSO DE CARTEIS S. ISIDRO LABRADOR 2025

O Concello de Rois convoca o **CONCURSO DE CARTEIS** para seleccionar a imaxe oficial das festas patronais do S. Isidro Labrador 2025.

O concurso pretende estimular a creatividade e a participación e fomentar a difusión da festa.

PARTICIPANTES

Poderán participar todas as persoas que teñan cumpridos os 14 anos antes do 31 de decembro de 2024. Cada participante poderá presentar un máximo de 2 traballos.

CONDICIÓN XERAIS

As técnicas son libres e contribuirán a enxalzar o municipio de Rois e as súas festas patronais do S. Isidro Labrador.

O cartel deberá adoptar forma vertical, cunha superficie imprimible de 29.7x42 cm (tamaño A3).

Poderá entregarse por medios electrónicos en copia dixitalizada a inscricions@rois.gal.

No caso de entregalo fisicamente presentarse centrado e montado sobre un cartón pluma de 32x44 cm.

Nos orixinais terá que figurar, de forma moi visible e destacada pola disposición e o tamaño das letras, a inscrición en galego: **FESTA DE S. ISIDRO LABRADOR 2025**.

No traballo gañador incluíranse posteriormente os escudos oficiais das administracións públicas que no seu momento sexan achegados polos técnicos municipais, así como outra información relativa ao programa.

Os carteis acompañaranse coa seguinte documentación:

- Boletín de inscrición debidamente cumprimentado: datos persoais, breve explicación da temática e da técnica do cartel e declaración xurada conforme a obra é orixinal.
- Fotocopia do DNI, NIE ou pasaporte.

No caso de entrega física, presentarse debidamente embalado e irá acompañado dun sobre pechado que conterá, en formato papel a documentación anterior. Na parte externa da embalaxe do cartel e no sobre figurará **CONCURSO DE CARTEIS. S. ISIDRO LABRADOR 2025**.

Non serán admitidos a concurso aqueles traballos que inciten ou fomenten a violencia, o racismo, a xenofobia e calquera outra forma de discriminación ou que atente contra a dignidade humana.

A ausencia de datos ou a súa inexactitude poden dar lugar, no seu caso, á exclusión da participación no concurso.

PRAZO E LUGAR DE PRESENTACIÓN

As obras poderán presentarse desde o día seguinte á publicación da presente convocatoria na páxina web municipal (www.rois.gal) ata o **venres 11 de abril de 2025 ás 14.00h**.

Entregaranse por correo electrónico no enderezo inscricions@rois.gal, xunto coa documentación pertinente,. Se se opta por presentación presencial ou por enderezo postal entregarase no Concello de Rois, con enderezo no Lugar de Samil 1, Oín. CP 15911 Rois (A Coruña).

No caso de envío por correo postal, ao enderezo indicado no parágrafo anterior, deberá conter un selo de Correos coa data de envío como xustificante de que se presentou en prazo.

PREMIO

Outorgarase un premio único de 200,00€. O premio poderá declararse deserto polo xurado.

A persoa gañadora, que será avisada telefonicamente, terá a obriga de asinar o traballo e enviálo en formato imprimible, quedando a obra premiada en propiedade do Concello de Rois para todos os efectos, incluso para casos de reprodución e exposición, nos que se fará constar o nome do autor ou autora.

A entrega de premios encadrarase no programa de festas patronais deseñadas polo Concello. A persoa gañadora do Concurso autoriza ao Concello de Rois a publicar na páxina web e redes sociais da súa titularidade e nos medios de comunicación o nome e apelidos dos/as concursantes e premiados/as, así como a publicación de fotografías propias, sempre que o seu uso garde relación con este concurso. A organización pode facer uso da imaxe en calquera formato, xa sexa gráfico ou dixital e en todas as súas formas (vídeo, foto, DVD, internet, carteis, medios de comunicación, etc.). Todos os dereitos de imaxe pertencen ao Concello de Rois, como organizador do concurso.

XURADO

O Concello de Rois nomeará un xurado que estará presidido polo señor alcalde ou concelleiro/a en quen delegue e por persoas relacionadas co mundo da arte e do deseño, en número non inferior a tres.

Na resolución do concurso o xurado terá en conta a calidade artística do orixinal, a idoneidade como cartel e a expresividade representativa da festa patronal.

O autor ou autora do traballo premiado convocarase coa debida antelación ao acto de entrega de premios.

DEVOLUCIÓN DOS TRABALLOS

Cando os carteis se entreguen en man, cada concursante recibirá un resguardo da obra que presenta a concurso, que precisará para retirala unha vez que este finalice, no caso de que non resultase premiada.

Os carteis que se reciban por correo serán devoltos ao seu autor, se así o solicita, a portes debidos. O Concello non se fai responsable das deterioracións que poidan sufrir as obras presentadas durante o tempo que estean no seu poder.

O prazo para retiralos é de dous meses a partir da resolución do premio. Transcorridos 30 días naturais a contar desde este prazo, as obras non retiradas pasarán a ser propiedade do Concello de Rois.

RESPONSABILIDADE

O Concello de Rois non se responsabiliza dos contidos dos traballos presentados, así como da perda ou deterioración das obras. Os/as concursantes responsabilizaranse totalmente de que non existen dereitos de terceiros nas obras presentadas, así como a renuncia a toda reclamación por dereitos de imaxe.

CONFORMIDADE

A participación neste concurso implica a plena conformidade e aceptación das bases, así como as decisións tomadas polo xurado e a súa interpretación.